



Broj: 04-40-1-324/22  
Sarajevo, 21.11.2022. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** **za period od 08:30 sati 18.11.2022. do 08:30 sati 21.11.2022. godine**

**Općinska Služba civilne zaštite Ilidža:** Dana 19.11.2022.godine, uslijed obilnije kiše u toku dana i noći, u naselju Vlakovno došlo je do izlivanja Rakovičkog potoka, te je voda zaprijetila okolnim objektima. Ekipe Civilne zaštite je izašla na teren tog dana oko 23:00 sati, te angažovala građevinsku mašinu – bager koja je radila na otklanjanju posljedica izlivanja Rakovičkog potoka. Također izvršili su ispumpavanje vode iz poplavljenih objekata. Akcija na otklanjanju posljedica poplave i ispumpavanja vode iz poplavljenih objekata je trajala tokom noći do 04:30 sati kada je uspješno završena.

**Služba za civilnu zaštitu i mjesne zajednice općine Hadžići:** Dana 20.11.2022.godine u 00:40 sati, Kantonalni operativni centar civilne zaštite je, nakon informacije da je zbog obilnije kiše došlo do začepjenja više šahtova kod Doma zdravlja Hadžići iz kojih voda ističe na glavnu saobraćajnicu i istu je poplavila, obavijestio navedeno Vatrogasno društvo o stanju na terenu. Ekipe VD Tarčin su izašle na teren i izvršile otčepljenje šahtova, nakon čega se voda povukla.

**Kantonalna uprava civilne zaštite Kantona Sarajevo** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 13 intervencija od čega jednu veću.

Veća intervencija se dogodila dana 20.11.2022. godine, kada je u 11:19 sati prijavljen požar u Domu za stare i nemoćne osobe „Miran san“, u ulici Spomenik 54. U akciji gašenja požara učestvovalo je osam vatrogasaca sa tri vatrogasna vozila. Požar je u potpunosti ugašen u 13:05 sati, nije bilo ljudskih žrtava, a pričinjena je materijalna šteta.

Manje intervencije odnose se na: dvije na gašenju zapaljenog smeća , jedna na gašenju zapaljenog niskog rastinja, dvije na gašenju zapaljenog dimnjaka na stambenim objektima, jedna na gašenje manjeg požara na tezgi pijace, jedna na gašenju zapaljenog automobila, jedna na spaljivanju dimnjaka, jedna tehnička (otvaranje zaglavljenih vrata), te tri obezbjeđenja javnih događaja.

**NAPOMENA:** U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su tri intervencije, od čega jednu veću (ranije navedena). Manje intervencije se odnose na: jedno obezbjeđenje javnog događaja i jednu tehničku (otvaranje zaglavljenih vrata).

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 3°C, vlažnost zraka 99%, barometarski pritisak 933,3 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a

